



Nosoratan'i: Edward Hughes

Sarin'i: Janie Forest  
Alastair Paterson

Nampifanarahin'i: Lyn Doerksen


Nadikan'i: Mia Randria

Novokarin'i: Bible for Children  
[www.M1914.org](http://www.M1914.org)

©2023 Bible for Children, Inc.


Azo atao ny fandikana na fakana ity tantara ity  
nefa tsy ho amin'ny fitadiavam-bola.






Rehefa nanafaka ny vahoaka Israely avy tao Ejipta Andriamanitra, dia notaritin'i Mosesy hidera an'Andriamanitra izy ireo. Namorona hira fiderana i Mosesy. "Hihira ho an'i Jehovah aho fa nandresy tamim-boninahitra Izy." Nihira momba ny zavatra lehibe rehetra nataon'Andriamanitra ho an'Israely izy.

**Aleho!**  
Voninahitra an'Andriamanitra ho an'Andriamanitra!





Afaka telo andro tany an'efitra,  
nangetaheta ny vahoaka ary  
nahita rano. Saingy tsy afaka  
nisotro ny rano izy ireo fa  
nangidy ilay rano. Nimenomenona  
ny vahoaka fa tsy nivavaka.

Tsara fanahy  
Andriamanitra.  
Navadiny ho afaka  
sotroina ilay rano.





Toa nimenomenona tamin'ny zavatra rehetra ny vahoaka. "Nanana sakafo izahay tany Ejipta. Ho fatin'ny hanohanana aty an-tany efitra izahay," hoy izy ireo nitomany. Iny hariva iny nandefa vorona antsoina hoe papelika Andriamanitra. Mora dia mora ny nisamboran'ny vahoaka azy.




Ny ampitso maraina indray, nandefa mana, izay  
toy ny mofo tantely ny tsirony, Andriamanitra.

Isa-maraina, nipetraka  
teny amin'ny tany ny  
mana mba hohangonin'izy  
ireo. Izay no fomba


nanomezan'Andriamanitra  
sakafo ny  
vahoakany tany  
an'efitra.



Nila natoky an'Andriamanitra isan'andro amin'ny sakafo izy ireo. Nefa nisy olona nanangona mana mihoatra noho ny tokony nalainy na dia niteny ary Andriamanitra fa ho lò izany raha tehirizina amin'ny alina.



Ary dia tena feno holitra tokoa ny mana nalaina ny omalin'iny-- ankoatran'ny marainan'ny Sabata. Tamin'ny andro fahafito manokana, niala sasatra ny olona ary nihinana ny mana nangonina ny omaliny.






Nitahy ny  
Israelita  
Andriamanitra  
tany an-tany efitra.  
Nomeny sakafo sy  
rano izy ireo - narovany  
tamin'ny fahavalo ihany  
koa.

Rehefa nanafika azy ireo ny  
Amalekita, nandresy hatrany  
ny vahoaka Israely rehefa  
nasandratr'i Mosesy ilay  
tehin'Andriamanitra.





Hoy Andriamanitra tamin'ny vahoaka Israely:  
"Raha mankatò Ahy ianareo dia ho Vahoakako."  
Ary hoy ny vahoaka namaly an'i Mosesy: "Ho  
ataonay avokoa izay nolazain'Andriamanitra  
rehetra." Nankeo amin'ny fototry ny  
tendrombohitra Sinay izy ireo niandry nandritra  
an'i Mosesy nihaona tamin'Andriamanitra.





Niaraka  
tamin'Andriamanitra  
nandritra ny efa-polo  
andro Mosesy.  
Nosoratan'Andriamanitra  
tamin'ny vato roa ny didy  
folo. Nolazainy an'I  
Mosesy hoe ahoana ny  
fomba tiany hiainan'ny  
vahoakany.



1. "Aza manompo  
Andriamanitra hafa  
ankoatra Ahy."

2. "Aza  
manamboatra  
na miankohoka  
amina sary  
vongana."

3. "Aza  
manononom-poana  
ny anaran'i Jehovah."

4. "Tsarovy ny  
andro Sabata, ary  
manamasina izany."

5. "Hajao ny  
rainareo sy ny  
reninareo."



6. "Aza mamono olona."


7. "Aza mijangajanga."

8. "Aza mangalatra."

9. "Aza mandainga."


10. "Aza mitsiriritra ny an'ny hafa."





Nanao zavatra tena ratsy indrindra ny vahoaka Israely nandritra an'i Mosesy niaraka tamin'Andriamanitra tany amin'ny tendrombohitra Sinay. Nasainy nanamboatra zanak'omby volamena I Aharòna ary niankohoka sy nidera izany izy ireo fa tsy nidera an'Andriamanitra. Tena tezitra mafy Andriamanitra. Tezitra mafy koa i Mosesy.






Natsipin'i Mosesy  
tamin'ny tany  
ireo vato nisy ny  
didin'Andriamanitra  
nony nahita ilay  
zanak'omby  
volamena sy ny  
olona nandihy izy.  
Nopotehin'i Mosesy  
tamim-pahatezerana  
ilay sampy volamena.  
Novonoina koa ireo  
olona niankohoka sy  
nanompo izany.



Nosoloin'Andriamanitra ireo vato. Nasain'Andriamanitra nanangana Toera-masina i Mosesy mba itoerany miaraka amin'ny Vahoakany--tranolay lehibe misy fefy manodidina.





Naniraka mpitsikilo roa ambin'ny folo lahy i Mosesy nony nanakaiky an'i Kanaàna, mba hijery ny tany nampanantenain'Andriamanitra ny Vahoakany.



Samy nanaiky ireo mpitsikilo fa tena tsara ny tany!  
Saingy roa fotsiny ihany no nino fa afaka ny haka  
ilay tany izy ireo noho ny fanampian'Andriamanitra,  
dia i Josoa sy Kaleba.




Ireo mpitsikilo folo ambiny natahotra ireo tanàna lehibe sy ny olona goavam-be be nonina teo amin'ny tany.

"Tsy ho azontsika ireo tany ireo," hoy izy ireo nimenomenona.

Adinon'izy ireo ny zavatra lehibe rehetra nataon'Andriamanitra nanafahany azy ireo tany Ejipta.



Nanaraka ny hevitr'ireo folo lahy tsy nino ny vahoaka. Nitomany izy ireo ary nivonona ny handeha hiverina tany Ejipta. Saika hitora-bato azy roa lahy mihitsy ary izy ireo!



Novonjen'Andriamanitra Mosesy. Hoy Izy tamin'ny vahoaka: "Mandritra ny efa-polo taona ianareo hivezivezy aty an-tany efitra. I Kaleba sy Josoa, ary ny zanakareo ihany no hiditra ny tany izay nolavinareo."



# Efa-polo Taona

Tantaran'ny Tenin'Andriamanitra, ny Baiboly,

Tao amin'ny bokin'ny

Eksodosy 15 hatramin'ny Fanisana 14

"Ny fanambaràn'ny teninao dia manazava."

Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,  
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!  
Jaona 3.16

